



Broj: 01-01-3234/26

Datum: 23.07.2026.

Bosna i Hercegovina
Federacija Bosne i Hercegovine
KANTON SARAJEVO

PRIMLJENO: 27-07-2026	
Organizaciona jedinica	Broj prijema
01	04 31246-40-120

Bosna i Hercegovina

Federacija Bosne i Hercegovine

KANTON SARAJEVO

SKUPŠTINA KANTONA SARAJEVO

N/r Predsjedavajući Skupštine Kantona Sarajevo Elvedin Okerić**PREDMET:** Odgovor na zastupničko pitanje – *dostavlja se;*

Veza: Vaš akt broj: 01-04-31246-40/26 od 08.07.2026. godine

Poštovani gospodine Okeriću,

Dana 16.07.2026. godine zaprimili smo Vaš akt broj: 01-04-31246-40/26 od 08.07.2026. godine sa zastupničkim pitanjem zastupnika Davora Čičića, te Vam u nastavku dostavljamo tražene odgovore:

Zastupničko pitanje:

1. „Molim Vas za informaciju koje konkretno nove investicije, sanacije i rekonstrukcije su urađene kao i koje konkretno nabavke opreme su izvršene na vašem fakultetu i u kojim iznosima u periodu 2022.-2026. iz budžeta Kantona Sarajevo uz pomoć Ministarstva za nauku, visoko obrazovanje i mlade KS i koje projekte imate u planu završiti do kraja 2026. godine?“

ODGOVOR:

U periodu 2022-2026. godina Univerzitet u Sarajevu – Fakultet za kriminalistiku, kriminologiju i sigurnosne studije nije imao pomoć Ministarstva za nauku, visoko obrazovanje i mlade Kantona Sarajevo za nabavku opreme. Nabavke potrebne opreme za rad i funkcionisanje Fakulteta vršene su isključivo iz izvora 20 (ostvareni vlastiti prihodi) te iz izvora 60 (primici).

U 2026. godini Fakultet je aplicirao na Javni poziv Ministarstva za nauku, visoko obrazovanje i mlade Kantona Sarajevo za sufinansiranje naučnoistraživačkih/umjetničkoistraživačkih i istraživačkorazvojnih projekata i programa iz Budžeta Kantona Sarajevo za 2026. godinu, između ostalog i za istraživačkorazvojni projekat koji se odnosi na nabavku opreme i softvera za opremanje uspostavljenog Digital Security HUB-a na Univerzitetu u Sarajevu – Fakultetu za kriminalistiku, kriminologiju i sigurnosne studije, kao savremenog centra za edukaciju, istraživanje i praktičnu obuku u oblasti digitalne sigurnosti, kibernetičke (cyber) otpornosti, digitalne forenzike, analize hibridnih prijetnji i kriznog komuniciranja, te se nadamo i uspješnoj ocjeni i realizaciji ovog vrlo bitnog projekta.

U periodu 2022-2026. godina Fakultet je iz budžetskih sredstava (izvor 10) izvršio nabavke materijala za pokrivanje – za popravku nadstrešnice na zgradi Fakulteta u iznosu od 2.853,04 KM, projekat rekonstrukcije elektroinstalacija u iznosu od 3.510,00 KM te dokup instalisane snage električne energije u iznosu od 6.638,88 KM.

Zastupničko pitanje:

2. „Molim Vas za informaciju u koje konkretno nove investicije, sanacije i rekonstrukcije kao i koje konkretno nabavke opreme su izvršene na vašem fakultetu i u kojim iznosima u periodu 2022.-2026. od sredstava koje ste dobili sa drugih nivoa vlasti u BiH (FBiH, općina itd.) ili međunarodnih ili nevladinih donatora?“

ODGOVOR:

U periodu 2022-2026. godina Univerzitet u Sarajevu – Fakultet za kriminalistiku, kriminologiju i sigurnosne studije je po osnovu Ugovora između Federalnog ministarstva obrazovanja i nauke i Univerziteta u Sarajevu o finansiranju/sufinansiranju projekata iz oblasti nauke od značaja za Federaciju BiH realizirao projekat „Rekonstrukcija prostora u cilju unapređenja infrastrukture za naučnoistraživački rad na Univerzitetu u Sarajevu – Fakultetu za kriminalistiku, kriminologiju i sigurnosne studije“, odnosno izvršio rekonstrukciju elektroinstalacija u zgradi Fakulteta u ukupnom iznosu 19.419,59 KM što je gotovo u cijelosti plaćeno sredstvima dobijenim od Federalnog ministarstva obrazovanja i nauke u iznosu 19.035,00 KM.


Zastupničko pitanje:

3. „Molim Vas za informaciju koje bi ste nove investicije, sanacije i rekonstrukcije ili nabavke opreme bili u potrebi izvršiti u narednoj 2027. godini, a koje biste željeli prioritetno budžetirati u budžet Kantona Sarajevo za 2027. godinu?“

ODGOVOR:

Univerzitet u Sarajevu – Fakultet za kriminalistiku, kriminologiju i sigurnosne studije u 2027. godini je u potrebi izvršiti sanaciju krova na zgradi Fakulteta, promjenu vanjske stolarije uz adaptaciju fasade, rekonstrukciju LAN mreže (izrada projekta) uz nabavku potrebne opreme i materijala za rekonstrukciju, adaptaciju sanitarnih čvorova na drugom i trećem spratu zgrade Fakulteta. Sanacija krova na zgradi Fakulteta je gorući problem koji bi bilo potrebno prioritarno budžetirati u naredni budžet Kantona Sarajevo za 2027. godinu.

S poštovanjem,



Ahić

